



Broj: 18.1-02.4-7- 2/22
Sarajevo, 23.02.2022. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik Bosne i Hercegovine“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik Bosne i Hercegovine", br. 94/14), Služba za poslove sa strancima, podnosi:

IZVJEŠTAJ O RADU SLUŽBE ZA POSLOVE SA STRANCIMA ZA 2021. GODINU

I – UVOD

Služba za poslove sa strancima (u daljem tekstu: Služba) je tokom 2021. godine u okviru svojih nadležnosti preduzimala sve potrebne mjere i radnje u cilju efikasnijeg upravljanja migracijama, a samim tim i stvaranja bolje ukupne sigurnosne situacije u Bosni i Hercegovini.

✓ *Preduzete aktivnosti kod ovjera pozivnih pisama i davanja saglasnosti za izdavanje viza tip „D“*

U ovom izvještajnom periodu u procedurama rješavanja po zahtjevima za ovjeru pozivnih pisama na osnovu kojih su stranci pribavljaju vize za ulazak i boravak stranih državljana u Bosni i Hercegovini, ukupno je **ovjereno 2.630 pozivnih pisama**. U istom izvještajnom periodu Služba je preduzimajući preventivne aktivnosti zbog uočenih pokušaja neregularnih migracija i u cilju davanja doprinosa zaštiti sigurnosnog sistema **odbila 112 zahtjeva za ovjeru pozivnog pisma za strane državljanke koji dolaze iz migraciono visoko rizičnih zemalja**.

Zakonom je predviđeno da Služba po zahtjevu Ministarstva inostranih poslova Bosne i Hercegovine daje prethodnu saglasnost za izdavanje viza za dugoročni boravak - viza tipa „D“ na osnovu koje stranci mogu podnijeti zahtjev za odobrenje privremenog boravka u Bosni i Hercegovini. Nadograđena je i pospješena postojeća procedura kod izdavanja viza tipa „D“ – dugoročnih viza za boravak u zemlji, kao veoma važnog Shengenskog pravila, na način da u propisanom roku i uz sve izvršene potrebne provjere izdajemo saglasnost za izdavanje viza “D”, isključivo na osnovu kojih stranci nakon ulaska u zemlju mogu aplicirati za dugoročni boravak. Služba je u ovom periodu postupajući po zahtjevima Ministarstva inostranih poslova Bosne i Hercegovine za davanje saglasnosti u postupku izdavanja **vize tipa „D“, u 654 slučajeva dala saglasnost za izdavanje vize tipa „D“**.

Također, tokom 2021. godine od strane Službe za poslove sa strancima uočene su odgovarajuće nepravilnosti, te zbog neispunjavanja uslova nije data saglasnost za **izdavanje 3 vize tipa „D“**.

Služba je postupajući po zahtjevima Diplomatsko konzularnih predstavništava Bosne i Hercegovine i Granične policije Bosne i Hercegovine (viza na granici) u postupcima izdavanja vize izvršila provjere u bazi bazi „ROS“-a i drugim raspoloživim bazama podataka za **20.205 lica**. U određenim slučajevima Služba za poslove sa strancima je izrazila sumnju da bi se moglo raditi o neregularnim migracijama, zbog čega su od strane inspektora za strance vršene dodatne operativne provjere na terenu sa ciljem utvrđivanja osnovanosti podnesenih zahtjeva. U vezi sa naprijed navedenim od strane Službe za poslove sa strancima su tokom ovog izvještajnog perioda izvršene provjere za **55 lica**. Prilikom vršenja naprijed navedenih provjera na terenu od strane inspektora za strance u više slučajeva je utvrđeno da strani državljani nemaju rezervisan smještaj, odnosno uplaćen smještaj ili turističko putovanje koje je u skladu sa Zakonskim uslovima za izdavanje vize. O svim utvrđenim činjenicama i prikupljenim saznanjima pravovremeno su upoznata Diplomatsko konzularna predstavništva Bosne i Hercegovine, kako bi isti mogli raspolagati svim činjenicama u momentu donošenja odluke, što je rezultiralo određenim brojem odbijenih zahtjeva za izdavanje viza. ***Ovakvim pristupom u vršenju svih neophodnih provjera prije izdavanja vize, od strane Službe utvrđene su određene nepravilnosti koje su u velikoj mjeri rezultirale odbijanjem zahtjeva za izdavanje viza za 43 lica od strane DKP Bosne i Hercegovine u svijetu.*** U cilju efikasnijeg upravljanja migracijama kao i zaštite sigurnosnog sistema Bosne i Hercegovine, Služba je o svim utvrđenim činjenicama i prikupljenim saznanjima o pokušajima zloupotrebe putovanja kontinuirano informisala Ministarstvo vanjskih poslova Bosne i Hercegovine radi blagovremenog upoznavanja Diplomatsko konzularnih predstavništava Bosne i Hercegovine i preduzimanja mjera na sprečavanju ilegalnih migracija.

Pored provjera kroz bazu Registar određenih stranaca (u daljem tekstu: „ROS“), prilikom rješavanja po zahtjevu stranaka za odobrenje boravka u Bosni i Hercegovini, ovjere pozivnih pisama kao i ostalih postupaka koje provodi Služba, za lica koja dolaze iz zemalja sa visokim stepenom ilegalnih migracija, za lica kojima je od strane Državne komisije za reviziju odluka o naturalizaciji stranih državljana u Bosni i Hercegovini oduzeto državljanstvo Bosne i Hercegovine kao i sva druga lica prema procjeni, Služba u skladu sa članom 8. stav 4. Zakona o strancima vrši sigurnosnu provjeru za stranca, u svrhu utvrđivanja razloga sigurnosti Bosne i Hercegovine, koju provodi Obavještajno - sigurnosna agencija Bosne i Hercegovine.

Služba je po zahtjevima Diplomatsko konzularnih predstavništava Bosne i Hercegovine i terenskih centara, od ***Obavještajno sigurnosne agencije Bosne i Hercegovine i drugih sigurnosnih agencija zatražila 2.518 sigurnosnih provjera za 3.187 stranih državljana*** u postupcima ovjere pozivnih pisama, izdavanja viza, te odobrenja/produženja privremenog i odobrenja stalnog boravka, sve s ciljem davanja doprinosa zaštiti ukupnog sigurnosnog sistema Bosne i Hercegovine, kao i borbi protiv terorizma i svih vidova neregularnih migracija.

✓ ***Boravak stranaca***

Rješavajući po zahtjevima za odobrenje - produženje privremenog boravka u ovom izvještajnom periodu privremeni boravak je ***odobren u 3.846 slučajeva i produžen u 5.981 slučaju***, što ukupno iznosi **9.827** odobrenih - produženih privremenih boravaka. U periodu od 01.01 do 31.12.2021. godine ukupno je obrađeno **480** zahtjeva za odobrenje stalnog boravka (*u navedenom broju uračunati su zahtjevi za odobrenje stalnog boravka, kao i izmjene rješenja već odobrenog stalnog boravka*), od čega je u **417** slučajeva isti odobren, dok je **10** zahtjeva odbijeno, **10** zahtjeva je obustavljeno, te su **2** zahtjeva odbačena.

U cilju sagledavanja svih neophodnih činjenica koje mogu uticati na rješavanje po zahtjevima stranaka za odobrenje stalnog boravka, date su smjernice prema terenskim centrima, koje se primjenjuju u kontinuitetu da se prije rješavanja po zahtjevu, vrše sve preventivne sigurnosne provjere kod drugih agencija (OSA i SIPA). Ovim postupkom je napravljen potpuniji i sigurniji način za vršenje provjera i utvrđivanje svih neophodnih činjenica za svakog stranog državljanina prije nego se odobri stalni boravak takvom licu, jer je privilegija stalnog boravka isto tako veoma značajna kao i prijem u državljanstvo Bosne i Hercegovine, čime se daje značajan doprinos na ovaj način i zaštiti sigurnosnog sistema Bosne i Hercegovine. Isto tako i u procedurama dobijanja državljanstava nadležna policijska tijela prije rješavanja po navedenim zahtjevima također vrše sveobuhvatne provjere za lica koja podnose zahtjeve za prijem u državljanstvo BiH.

✓ *Potvrde o izraženoj namjeri za azil*

U periodu od 01.01. do 31.12.2021. godine **14.688 lica** je iskazalo namjeru za azil. Služba je u postupcima izražavanja namjere za azil u terenskim i privremenim prihvatnim centrima vršila registraciju ovih lica, kojom prilikom su od istih uzimani biometrijski podaci, fotografisani su, a nakon navedenog inspektori za strance su u razgovoru sa istima prikupljali operativne podatke, koji su razmjenjivani za ostalim agencijama za sprovedbu zakona u Bosni i Hercegovini.

✓ *Inspeksijske kontrole inspektora za strance*

Inspektori za strance su vršili inspeksijske kontrole boravka stranaca u fizičkim i pravnim licima koje pružaju usluge smještaja, turističkim agencijama, obrazovnim institucijama, preduzećima i institucijama u kojima rade stranci po osnovu izdate radne dozvole, preduzećima u kojima su osnivači strani državljanini, kontrole adresa stanovanja i promjene adrese stanovanja. Tokom 2021. godine **izvršeno je ukupno 4.653 kontrola i izdato je 1.971 prekršajni nalog.**

✓ *Operativne provjere u cilju utvrđivanja činjenica o ispunjavanju uslova za ovjeru pozivnih pisama i odobrenje/produženje privremenog i odobrenja stalnog boravka*

Služba je prepoznala i kao važan segment uvela preventivno vršenje operativnih provjera na terenu s ciljem utvrđivanja činjeničnog stanja postojanja osnovanosti podnesenih zahtjeva za ovjeru pozivnih pisama, odobrenje/produženje privremenog boravka, odobrenja stalnog boravka, kontrola već odobrenih boravaka i drugo kao vrlo važan segment u suprotstavljanju neregularnim migracijama, posebno kada govorimo o pokušaju određenih zloupotreba u smislu zasnivanja bračne ili vanbračne zajednice sa državljanima Bosne i Hercegovine iz interesa radi ostvarivanja prava na boravak, zatim i prijema u državljanstvo Bosne i Hercegovine, a takođe i otkrivanja pokušaja regulisanja boravka po osnovu radne dozvole u fiktivnim firmama itd. U ovom izvještajnom periodu inspektori za strance su izvršili ukupno **12.248 operativnih provjera** i tom prilikom su u određenim predmetima utvrđene činjenice da se radi o pokušaju neregularnih migracija i to u **139** slučajeva.

✓ *Inspeksijske kontrole stranaca sa odobrenim boravkom*

Kao rezultat taktičke procjene terenskih centara o mogućim neregularnostima i zloupotrebama već odobrenih privremenih i stalnih boravaka, vršene su ponovne nenajavljene kontrole inspektora za strance, posebno privremenih boravaka po osnovu braka sa državljanima Bosne i Hercegovine i obrazovanja, kao i stalnih boravaka koje su do sada dale značajne rezultate. Naime, tokom ovog izvještajnog perioda od strane inspektora za strance izvršeno je **1.083** ciljanih inspeksijskih kontrola stranaca sa odobrenim boravkom, prilikom čega su utvrđene **179 nepravilnosti.**

Bitno je napomenuti da Služba svakodnevno vrši prikupljanje i analizu operativnih saznanja prikupljenih od strane inspektora za strance i iz drugih izvora, putem razmjene informacija s odgovarajućim sigurnosnim organima gdje se na osnovu tako prikupljenih informacija i operativnih saznanja uz odobrenje direktora Službe sačinjavaju Operativni planovi za sprovođenje operativnih akcija. Tokom 2021. godine izvršeno je **5 operativnih akcija** u kojima su učestvovali službenici Službe i to:

- a) Koordinirana zajednička međunarodna operativna akcija „**JAD 2021 WESTERN BALKANS**“, sa drugim sigurnosnim i policijskim agencijama u organizaciji EUROPOL-a, koja predstavlja nastavak aktivnosti u borbi protiv ilegalne trgovine oružjem, kao i drugih krivičnih djela.
- b) Koordinirana zajednička međunarodna operativna akcija „**LIBERTARRA**“, sa drugim sigurnosnim i policijskim agencijama u organizaciji NCB INTERPOL-a, kao aktivnost u borbi protiv krijumčarenja migranata, trgovine ljudima i drugih vezanih krivičnih djela.
- c) **Operativna akcija** planirana u cilju sprovođenja pojačanih mjera i radnji iz nadležnosti Službe, koja je izvršena u saradnji sa OSA-om, FUP-om i MUP-om USK, kojom prilikom su pronađena **3 lica koja se mogu dovesti u vezu sa organizovanjem i krijumčarenjem migranata preko teritorije Bosne i Hercegovine u neku od zemalja Zapadne Evrope**.
- d) Doprinos Službe sigurnosnom aspektu povodom održavanja **Ministarske konferencije „Sarajevo migration dialogue“** koja je održana u Sarajevu u periodu od 17.11.-19.11.2021. godine.
- e) Doprinos Službe sigurnosnom aspektu zbog održavanja javnog skupa povodom obilježavanja 26. godišnjice i ukopa posmrtnih ostataka ekshumiranih i identifikovanih – žrtava genocida u Srebrenici - **“Srebrenica 2021”** u Memorijalnom centru Srebrenica-Potočari.

✓ **Preduzete mjere prema stranim državljanima**

Tokom 2021. godine preduzete su mjere u 2.771 slučaju i to: donešeno je **148** rješenja o otkazu bezviznog boravka, **296** rješenja o otkazu privremenog boravka, **62** rješenja o otkazu stalnog boravka, **1.330** rješenja o protjerivanju stranaca iz Bosne i Hercegovine, **23** rješenja otkaza boravka uz izrečenu mjeru protjerivanja, donešen je **1** zaključak o dozvoli izvršenja rješenja o protjerivanju, dok je za **911** lica rješenjem određena mjera stavljanja pod nadzor (od čega je **612** lica smješteno u Imigracioni centar, **299** lica smješteno je na blažu mjeru nadzora u PPC).

✓ **Doprinos u borbi protiv terorizma, trgovine ljudima i drugih oblika organizovanog kriminala kroz službenu saradnju**

Imajući u vidu da je međuagencijska saradnja i razmjena informacija preduslov za efikasnu prevenciju kao i borbu protiv terorizma, ilegalnih migracija, krijumčarenja, trgovine ljudima i drugih oblika organizovanog kriminala, Služba je tokom ovog izvještajnog perioda vršila koordinaciju aktivnosti, inicirala i ostvarivala svakodnevnu službenu saradnju sa drugim agencijama koje se bave sprovođenjem zakona na teritoriji Bosne i Hercegovine, Tužilaštvima u Bosni i Hercegovini, međunarodnim i nevladinim organizacijama.

Inspektori za strance naše Službe i drugi ovlaštene službenici, preduzimajući sve potrebne mjere i radnje iz naše nadležnosti, u svom svakodnevnom radu su dolazili do veoma korisnih i u najvećoj mjeri pouzdanih operativnih saznanja o neregularnim migracijama kao i saznanja koja su se mogla dovesti u vezu s krivičnim djelima iz nadležnosti drugih sigurnosnih agencija.

Prikupljena saznanja i informacije su analizirane i procjenjene od strane naših službenika **što je rezultiralo izradom 152 operativne informacije** koje je Služba blagovremeno dostavljala u nadležnost i postupanje Tužilaštvu Bosne i Hercegovine, Obavještajno-sigurnosnoj agenciji, Državnoj agenciji za istrage i zaštitu, Graničnoj policiji Bosne i Hercegovine, entitetskim Ministarstvima unutrašnjih poslova i drugim agencijama na dalju nadležnost i postupanje i bile su od velikog značaja u otkrivanju i procesuiranju počinitelja krivičnih djela. Ovom prilikom posebno bismo istakli izuzetnu saradnju sa Obavještajno-sigurnosnom agencijom Bosne i Hercegovine, koja se ogleda u skoro svakodnevnoj i pravovremenoj razmjeni informacija i podataka.

✓ **Značajniji rezultati postignuti od strane Službe za poslove sa strancima u 2021 godini**

Na osnovu višemjesečnog rada i prikupljenih operativnih podataka od strane inspektora za strance tokom 2021. godine sprovedeno je više zajedničkih operativnih akcija inspektora Službe za poslove sa strancima, te pripadnika drugih agencija za sprovedbu zakona u BiH (OSA, SIPA, FUP, MUP RS, GP BiH, KMUP-a itd). Tom prilikom je locirano i privedeno u službene prostorije Službe za poslove sa strancima **13 stranih državljana**, zbog svoje povezanosti sa organizovanim kriminalom. Nakon završene obrade za **svih 13 stranih državljana** izrečena je mjera protjerivanja sa zabranom ulaska i boravka na teritoriju Bosne i Hercegovine, nakon čega su isti bili stavljeni pod nadzor u Imigracioni centar u cilju njihovog udaljenja sa teritorije BiH.

Tokom mjeseca jula 2021. godine, također je završen ekstradicioni postupak za državljanina Iraka koji je u saradnji sa međunarodnim partnerima identifikovan kao jedan od vodećih organizatora u lancu međunarodnog krijumčarenja migranata na zapadnobalkanskoj ruti i za kojeg je NCB Interpol Wiesbaden tokom 2020. godine raspisao međunarodnu difuznu potjernicu u cilju njegovog lišenja slobode i ekstradicije u SR Njemačkoj.

Kada je u pitanju razmjena operativnih informacija i saznanja, Služba je tokom 2021. godine također postigla značajne rezultate tokom sprovođenja dvije koordinirane zajedničke međunarodne operativne akcije „**LIBERTARRA**“ i „**JAD WESTERN BALKANS 2021**“ u saradnji sa drugim sigurnosnim i policijskim agencijama u BiH i međunarodnim partnerima. Naime, tokom višemjesečnih priprema za navedene operativne akcije, kao i tokom trajanja istih, Sektor za operativnu podršku je obradio **34 operativne informacije** prikupljene od strane inspektora za strance. Kao rezultat naprijed navedenog jeste razmjena preko **665 operativnih podataka (imena i prezimena operativno interesantnih lica, brojeva telefona, fb profila, registarskih oznaka, ruta kretanja, dokumenta itd, hawala sistem itd) a kao prilog navedenim operativnim podacima dostavljeno je 169 fotografija** do kojeg su prilikom preduzimanja mjera i radnji iz svoje nadležnosti došli inspektori za strance. Sve navedene informacije kao i foto materijali dostavljeni su svim agencijama za sprovedbu zakona u Bosni i Hercegovini, koje su učestvovala u navedenim OA, kao i EU agencijama, međunarodnim i regionalnim organizacijama: **EUROPOL, FRONTEX, INTERPOL, UNODC, SELEC, sekretarijat PCC-SEE itd.**

Kada je u pitanju rješavanje statusnih pitanja stranih državljana procijenjenih kao prijetnja po nacionalnu sigurnost Bosne i Hercegovine, Služba za poslove sa strancima je od drugih nadležnih sigurnosnih institucija zaprimila informaciju za **55 sigurnosno interesantnih stranih državljana**. Od 55 sigurnosno interesantnih stranog državljanina, **Služba je tokom 2021. godine preduzimanjem radnji iz svojih nadležnosti i pojačanih aktivnosti kontrole kretanja i boravka stranaca u Bosni i Hercegovini, pronašla, procesuirala i izrekla mjere protjerivanja za 5 stranih državljana, koji predstavljaju prijetnju javnom poretku i sigurnosti Bosne i Hercegovine, dok se ostala lica nisu nalazila na teritoriju Bosne i Hercegovine. Podatke o svim licima koji predstavljaju prijetnju javnom poretku i sigurnosti Bosne i Hercegovine, Služba je evidentirala u bazu “ROS-a” kojoj pristup ima Granična policija Bosne i Hercegovine, te za one koji nisu na području Bosne i Hercegovine prilikom pokušaja njihovog ulaska u Bosnu i Hercegovinu istima će biti odbijen ulazak.**

U evidenciju „ROS-a“, Služba je tokom ovog izvještajnog perioda izvršila unos 1.627 informacija za strane državljane, koje su od velikog značaja za njen rad, kao i za saradnju sa Graničnom policijom Bosne i Hercegovine i Ministarstvom inostranih poslova Bosne i Hercegovine. Prikupljene informacije u bazi ROS-a mogu uticati na rješavanje zahtjeva za ovjeru pozivnih pisama, izdavanje viza, prelazaka državne granice, odobravanja boravaka na teritoriju Bosne i Hercegovine, donošenje odluka po službenoj dužnosti, i rješavanja drugih statusnih pitanja stranih državljana. Bitno je naglasiti da je Služba kroz rad svojih službenika u nadzornom tijelu te sprovedbu strategija za borbu protiv terorizma i borbu protiv organizovanog kriminala, Operativnoj i udarnoj grupi za borbu protiv terorizma i Udarnoj grupi za borbu protiv trgovine ljudima, davala izuzetan doprinos u borbi protiv terorizma, ilegalnih migracija, trgovine ljudima, organizovanog kriminala, čime se daje značajan doprinos zaštiti sigurnosnog sistema Bosne i Hercegovine.

Služba je također kroz rad svojih službenika u Zajedničkom centru za analizu rizika i Koordinacionom tijelu, davala puni doprinos radu Zajedničkog centra za analizu rizika a samim time i Implementaciji „Strategije integrisanog upravljanja granicom Bosne i Hercegovine za period 2019 – 2023. godina“. Od strane Službe svakodnevno se prikupljaju podaci o preduzetim aktivnostima, mjerama i radnjama iz nadležnosti Službe, te izrađuje Bilten dnevnih događaja koji se razmjenjuje sa drugim sigurnosnim agencijama. Nadalje, tokom ovog izvještajnog perioda nastavljeno je učešće službenika Službe kao predstavnika u radu Radnih grupa „Strategije za borbu protiv organizovanog kriminala u Bosni i Hercegovini za period 2021.-2024. godine“, „Strategijom za prevenciju i borbu protiv terorizma za period 2021. - 2026. godine, „Strategije u oblasti migracija i azila za period 2021. - 2025. godine“, „Strategije integrisanog upravljanja granicom za period 2019. - 2023. godine“ kao i Specijalizirane mreže tužitelja i istražitelje za borbu protiv trgovine ljudima, tužitelje i policijske istražitelje” itd.

Konačno, Služba kontinuirano doprinosi razmjeni podataka sa FRONTEx-om putem sistema dostave podataka o migrantskim tokovima (od mjeseca novembra 2018. godine razmjena podataka ide putem web aplikacije JORA 2, izrađene od strane FRONTEx-a), mjesečnih statističkih izvještaja Graničnoj policiji Bosne i Hercegovine u cilju jačanja planiranja i provođenja nacionalnih i međunarodnih aktivnosti vezanih za borbu protiv nezakonitih migracija, krijumčarenja ljudi i drugih oblika organizovanog kriminala.

Prihvat, nadzor, smještaj i udaljenje stranaca

Sigurni sistem udaljenja stranaca iz zemlje ostvaren je kroz kadrovsku i tehničku uspostavu Sektora za redmisiju, prihvat i smještaj u smislu izgradnje pravnih i tehničkih kapaciteta za siguran postupak udaljenja stranaca koji nelegalno borave u zemlji, kao i kroz saradnju nadležnih institucija koje će nakon donesene odluke o udaljenju realizovati tu mjeru kroz obezbjeđenje potrebnih saglasnosti, putnih dokumenata i drugih tehničkih detalja za izlazak stranca iz zemlje.

Kroz rad i postojeći kapacitet Imigracionog centra omogućavali smo da neregularni migranti kao i drugi stranci koji nakon odluke ne žele dobrovoljno napustiti zemlju, budu stavljeni pod nadzor u Imigracioni centar do njihovog konačnog udaljenja. Služba je omogućila da se boravak stranaca u Imigracionom centru odvija u skladu s propisanim pravilima o funkcionisanju Centra, kućnom redu, uz poštivanje dostojanstva ličnosti i uz poštivanje međunarodnih konvencija i propisa koji regulišu zaštitu ljudskih prava. Realizacija sporazuma o readmisiji i po tom osnovu prihvat stranaca u Bosni i Hercegovini pod uslovima koji su propisani pojedinim readmisijskim sporazumima, nakon čega smo osiguravali sigurno udaljenje takvih stranaca iz zemlje, u propisanoj proceduri.

1. Prihvat po osnovu Sporazuma o readmisiji

U periodu 01.01 do 31.12.2021. godine ukupno je prihvaćeno **570** stranih državljana od čega **10 mldb lica** i to svih **570** po osnovu Sporazuma između Vijeća ministara Bosne i Hercegovine i Vlade Republike Hrvatske o vraćanju i prihvaćanju lica čiji je ulazak i boravak nezakonit.

2. Nadzor i smještaj

2.1. Stavljanje pod nadzor u Imigracioni centar

Tokom 2021. godine u Imigracioni centar Službe za poslove sa strancima prema knjizi evidencije prijema pod nadzor je stavljeno **612 lica od kojih 5 mldb. stranaca u pratnji**. U izvještajnom periodu ostvareno je ukupno **22.173 korisničkih dana** u Imigracionom centru.

2.2 Blaži oblik nadzora

Tokom ovog izvještajnog perioda iz od strane Terenskih centara, te iz Imigracionog centra na osnovu prijedloga Sektora za readmisiju prihvat i smještaj **299 lica** je stavljeno na blažu mjeru nadzora, smještajem u privremene prihvatne centre.

2.3 Specijalizovana ustanova za prihvat – MFS „Emmaus“

U ovom izvještajnom periodu **263 mldb lica bez pratnje** smješteno je u specijalizovanu ustanovu Međunarodni forum solidarnosti „Emmaus“.

2.4 Smještaj u sigurne kuće potencijalnih žrtava trgovine ljudima

Tokom ovog izvještajnog perioda **2 strana državljanina** za koje je nadležni organ procijenio da se radi o „potencijalnim žrtvama trgovine ljudima“ smještena su u sigurnu kuću „MEDICA“.

4. Udaljenje

Tokom ovog izvještajnog perioda ukupan broj lica koja su udaljena na osnovu provedenih procedura za pripremu i izvršenje udaljenja iz Bosne i Hercegovine u zemlje porijekla ili zemlju koja ih prihvata je ukupno **795 lica od čega 11 mldb. lica**.

4.1 Predaja po osnovu sporazuma o readmisiji

Nakon što je utvrđena obaveza prijehata od strane zemlje potpisnice Sporazuma o readmisiji za lica koja ilegalno borave na području druge države, u izvještajnom periodu ukupno je predato **89 stranih državljana** i to kako slijedi:

- ✓ **66 lica** osnovu Sporazuma između Bosne i Hercegovine i Srbije o vraćanju i prihvaćanju lica čiji je ulazak i boravak nezakonit.
- ✓ **21 lice** po osnovu Sporazuma između Bosne i Hercegovine i Crne Gore o vraćanju i prihvaćanju lica čiji je ulazak i boravak nezakonit.
- ✓ **2 lica** po osnovu Sporazuma o readmisiji između Bosne i Hercegovine i R. Hrvatske o vraćanju i prihvaćanju lica čiji je ulazak i boravak nezakonit.

4.2 Dobrovoljni povratak koji realizuje Služba

Tokom ovog izvještajnog perioda za lica koja su bila stavljena pod nadzor, Služba je vršila dobrovoljni povratak za **459 lica od kojih 10 mldb. lica.**

4.3 Potpomognuti dobrovoljni povratak realizovan kroz projekat posebne namjene

U okviru Regionalnog projekta dobrovoljnog povratka i reintegracije AVRR koji implementira IOM, registrovano je i pružena pomoć za dobrovoljni povratak u zemlje porijekla za ukupno **206 lica od kojih 3 mldb. lica.**

4.4 Repatrijacija žrtava trgovine ljudima

U ovom izvještajnom periodu Služba **je izvršila postupak repatrijacije potencijalnih žrtava trgovine ljudima za 4 mldb lica.**

4.5 Samostalni dobrovoljni povratak stranaca iz Bosne i Hercegovine

Tokom 2021. godine **1.212 stranih državljana**, kojima je izrečena mjera protjerivanja sa zabranom ulaska i boravka na teritoriju Bosne i Hercegovine ili je izdat nalog za dobrovoljno napuštanje, je samostalno dobrovoljno napustilo Bosnu i Hercegovinu.

4.6 Prisilno udaljenje

U ovom izvještajnom periodu Služba za poslove sa strancima je donijela **1 zaključak** o dozvoli izvršenja rješenja o protjerivanju i tom prilikom je prisilno udaljeno **1 lice.**

Budžet i kapitalna ulaganja

Prema Zakonu o budžetu institucija BiH i međunarodnih obaveza BiH za 2021. godinu Službi za poslove sa strancima su odobrena budžetska sredstva u iznosu od **9.406.000,00 KM**. Obzirom da se u toku 2021 godine poslovalo u skladu s odlukom o privremenom finansiranju to je za posledicu imalo izostanak sredstava za kapitalna ulaganja.

Na zahtjev Službe donesena je jedna odluka o prestrukturiranju budžetskih sredstava u ukupnom iznosu od **25.000,00 KM** ili **0,26%** ukupno odobrenih budžetskih rashoda za 2021. godinu (**9.406.000,00 KM**). Sredstva su prestrukturirana na poziciju Troškovi zakupa – konto 613600.

Na bazi realizacije rashoda za prvih jedanaest mjeseci 2021. godine, procjena je da će izvršenje budžeta za 2021. godinu biti **8.467.174,14 KM** ili **84%** od odobrenih sredstava i to:

I. tekući izdaci iznose **8.109.000,00 KM** ili **94%** od odobrenih sredstva za tekuće izdatke od čega:

- ✓ bruto plate i naknade u iznosu **6.188.374,00 KM** ili **95%** od odobrenih sredstava za ove namjene;
- ✓ naknade troškova zaposlenig **920.000,00 KM** ili **98%** od odobrenih sredstava za ove namjene i
- ✓ izdaci za materijal i usluge i ostalo **1.358.800, KM** **52%** od odobrenih sredstava za ove namjene.

U 2021. godine otvorena je jedan programa posebne namjene i to „*Sporazum o partnerstvu za 2021 godinu između Službe za poslove sa strancima i UNHCR-a*“.

I. „Sporazum o partnerstvu za 2021 godinu između Službe za poslove sa strancima i UNHCR-a“

Bosni i Hercegovini, Ministarstvu sigurnosti – Službi za poslove sa strancima, Međunarodna organizacija United Nations Higs Commissioner for Refugees (UNHCR) uplatila je donaciju u iznosu od **36.600,00 KM** kao projekat pod nazivom: „Sporazum o partnerstvu za 2021 godinu između Službe za poslove sa strancima i UNHCR-a“. Nakon uplate prve tranše u julu 2021. godine, Služba je sačinila strukturu utroška sredstava prve tranše, to jeste iznosa od **36.600,00 KM**. U skladu sa Sporazum o partnerstvu za 2021 godinu između Službe za poslove sa strancima i UNHCR-a“, donator je odobrio promjenu strukture sredstava i to:

- Poziciju „*Ostale stručne usluge*“, potrebno je smanjiti za **6.500,00 KM** , tako da na tom kontu ostane **6.100,00 KM** i iznos od **6.500,00 KM** potrebno je da se prenese na poziciju „*Nabavka opreme*“.
- Pozicija „*Izdaci za usluge po osnovu ugovora o djelu*“ potrebno je smanjiti za **5.500,00 KM** i taj iznos prebaciti na poziciju „*Nabavka opreme*“.

Tako da na poziciju „*Nabavka opreme*“ bude ukupno **12.100,00 KM**.

2. Donacije

U 2021. godini Služba za poslove sa strancima zaprimila je nenovčanih donacija za jačanje kapaciteta Službe u iznosu od **211.088,31 KM** i to: donacija IOM-a (kancelarijski namještaj) iznos **3.126,00 KM**, donacija IOM-a (kancelarijski namještaj) iznos **2.875,00 KM**, donacija ALCI (Putnički kombi VW Transporter T&) iznos **75.000,00 KM**, donacija Ambasade Švajcarske (biometrijski skener) iznos **22.171,50 KM**, donacija IOM-a (Trafo stаница u Ušivku) iznos **75.807,81 KM**, donacija IOM-a (24 tableta apple) iznos **25.200,00 KM** i donacija IOM-a (5 laptopa, 3 printera i 1 Cannon kamera) iznos **6.900,00 KM**.

1. Javne nabavke

U toku 2021. godine Služba je u cjelosti realizovala planirane javne nabavke za tekuće izdatke (izdaci za robe i usluge), dok nije bilo javnih nabavki za kapitalna ulaganja. Ukupno je realizovano **37 (tridesetsedam)** postupaka javnih nabavki od čega **3 (tri)** otvorenih postupaka, **9 (devet)** po proceduri konkurentskog zahtjeva, **21 (dvadesetjedan)** direktnih sporazuma i **4 (četiri)** postupka provedena po Pravilniku Aneks II dio B.

Kadrovska popunjenost

Ukupan broj zaposlenih u Službi za poslove sa strancima na dan 01.01.2021. godine iznosio je **240**, a na dan 31.12.2020. godine broj uposlenih iznosi **235**. U toku 2021. godine zaposlena je **1 osoba**, ugovorom o radu na određeno vrijeme.

U skladu sa zaključkom sa 73. sjednice Vijeća ministara Bosne i Hercegovine održane 15.09.2016. godine, prezentiramo i podatke o ravnopravnosti polova zaključno sa 31.12.2021. godinom:

<i>Spol/Pozicija</i>	<i>Uposlenik/Zaposlenik /Namještenik</i>	<i>Stručni saradnik</i>	<i>Viši stručni saradnik</i>	<i>Stručni savjetnici</i>	<i>Šef odjela/odsjecka</i>	<i>Rukovodeći državni službenici</i>	<i>Imenovana lica</i>
<i>Muški</i>	72	6	34	13	18	3	3
<i>Ženski</i>	33	9	33	8	3	0	0
<i>Muško/Žensko</i>	105	15	67	21	21	3	3
TOTAL				235			

Tokom 2021. godine Služba je ostala bez **6 (uposlenika)** uposlenika, od toga:

- ✓ **2 (dva) državna službenika** su penzionisana,
- ✓ **1 (jedan) državni službenik** je na plaćenom odsustvu po ličnom zahtjevu
- ✓ **1 (jedan) državni službenik** sporazumno raskinuo radni odnos i
- ✓ **2 (dva) zaposlenika** sporazumno raskinuli radni odnos.

U 2021. godini **2 (dva)** uposlenika su koristila neplaćeno odsustvo po ličnom zahtjevu i u istoj godini se vratio **1 (jedan)** na svoje radno mjesto, a **6 (šest)** državnih službenika koji su već bili na neplaćenom odsustvu po sili zakona nastavili su koristiti neplaćeno odsustvo. U toku 2021. godine imali smo i **2 (dva)** interna premještaja i to oba za zaposlenike. U 2021. godini imamo **3 (tri)** državna službenika koji su pod suspenzijom, **2 (dva)** su državna službenika i **1 (jedan)** zaposlenik koji je ponovo vraćen sa suspenzije na svoje radno mjesto.

Zaključak

Kao i u prethodnim godinama prilikom izrade „Godišnjeg programa rada Službe za poslove sa strancima za 2021. godinu“ predviđjeli smo da bi na realizaciju planiranih aktivnosti mogao uticati trend povećanog priliva migranata u BiH koji je započeo u posljednjem kvartalu 2017. godine (311), nastavio se, te bio posebno naglašen u 2018. (23.902), 2019. (29.302), 2020. (16.190) i u periodu od 01.01.2021. – 31.12.2021. godine (15.812) kada je predmetom rada Službe za poslove sa strancima bilo ukupno 85.517 stranih državljana. Iz naprijed navedenog može se uočiti trend pada vrijednosti u 2020. i 2021. godini u odnosu na 2018. i 2019. godinu, koji je prouzrokovan novonastalom epidemiološkom situacijom vezano za virus COVID-19 kako u BiH, tako i u Evropskom regionu. Globalna prijetnja po zdravlje ljudi izazvana virusom COVID – 19 nije zaobišla Bosnu i Hercegovinu i ista je također predstavljala jedan od rizika koji su uticali na funkcionisanje ove institucije. Utjecaj ove nevidljive prijetnje se pojednostavljeno može svrstati u dvije kategorije, a to su ugroženo 1) zdravlje ljudi (uposlenika i migranata) i 2) otežano organizovanje poslovnih procesa nastalih usljed preventivno-posljedičnih mjera koje poduzimaju ili nalazu nadležne institucije. Obje navedene kategorije konsekventno imaju negativan uticaj i na planiranje/realizaciju postavljenih planova odnosno budžeta.

Nadalje, analizirajući raspoložive podatke također možemo zaključiti da su migrantski tokovi iz pravca Srbije i Crne Gore i dalje aktivni, te se u najvećem dijelu ove aktivnosti sprovode od istočne granice do Sarajeva i dalje na područje USK-a, tačnije Bihaca i Velike Kladuše, gdje se i najviše zadržavaju jer je to područje najbliže zelenoj granici prema Hrvatskoj i dalje prema zemljama EU, što im je i konačan cilj. Međutim, posljedice efektivnih mjera koje EU poduzima na svojim vanjskim granicama, kao i cilijane aktivnosti koje su preduzimale bosansko-hercegovačke institucije na područjima koja su bile u većoj mjeri pogođene migrantskom krizom, konsekventno su dovele i do povećanog broja migranata koji su zatečeni u procesuirani od strane policijskih agencija Bosne i Hercegovine na područjima koje pripadaju terenskim centrima Banja Luka, Doboj, Tuzla, Mostar, Brčko, Ljubuški, Orašje. Shodno navedenom u ovom izvještajnom periodu zabilježene su pojave migracionih kretanja koja su usmjerena preko teritorija Rumunije, Bugarske, Madarske, otvaranje nove rute preko Bjelorusije itd.

Isto tako smatramo bitnim istaći da je i pored redovnih aktivnosti iz svoje nadležnosti (vođenje upravnih postupaka za strance; inspekcijski poslovi; praćenje, prikupljanje i obrada podataka kroz operativni rad i ostali poslovi propisani Zakonom o strancima) Služba bila zadužena za upravljanje, odnosno koordinirala je sa uspostavljenim privremenim prihvatnim centrima na području KS i USK-a. U tom kontekstu Služba je u potpunosti zadržala diskurs odgovornosti i humanosti, ali je stavila fokus na zaštitu i sigurnost države, te se opredijelila za snažno razlikovanje izbjeglica od ekonomskih migranata.

Situacija sa globalnom pandemijom izazvanom virusom COVID-19 ni u 2021. godini nije zabilježila značajan pomak u smislu osiguranja apsolutne zaštite lica od mogućnosti zaraze navedenim virusom. Obzirom na navedeno, tokom izvještajne godine provodene su stroge mjere kontrole u svrhu prevencije zaraze virusom unutar Imigracionog centra što je rezultiralo manjim brojem lica koja su smještena pod nadzor u navedenu ustanovu. Služba za poslove sa strancima se i tokom 2021. godine također susretala sa učestalim poteškoćama u saradnji sa diplomatsko konzularnim predstavništvima zemalja porijekla. Naime, nerijetko su se mijenjale prakse i uslovi nadležnih ambasada u postupcima utvrđivanja identiteta što se ogleda i u broju utvrđenih identiteta.

Shodno navedenom, fluktuacija lica unutar Imigracionog centra tokom izmještajnog perioda bila je znatno smanjena usljed otežane saradnje DKP-a i zemalja porijekla kako u postupcima utvrđivanja identiteta, tako i u postupku izdavanja privremenih putnih dokumenata za lica kojima je određena mjera nadzora a koji su krucijalni u organizaciji udaljenja lica u zemlju porijekla, a samim tim i oslobađanju boravišnih mjesta u Imigracionom centru. Navedeno se ogleda i u činjenici da je broj korisničkih dana u Imigracionom centru za 10% veći od predviđenog broja iako je broj lica kojima je izrečena mjera manji od predviđenog broja.

Iz navedenih razloga u nedostatku smjštajnih kapaciteta u Imigracionom centru organizacione jedinice SPS-a su vršeci redovne poslove i zadatke donosile rješenja o stavljanju pod nadzor ograničenjem kretanja na određenom područje ili mjesto uz obavezu javljanja nadležnoj organizacionoj jedinici.

Sve naprijed navedeno govori da je Služba i tokom 2021. godine bila suočena sa izazovima koje nosi migrantska kriza, a koji se prvenstveno odnosi na nedovoljni smjštajni kapaciteti u Imigracionom centru, kao i potrebom za dodatnim ljudstvom i materijalno tehničkim sredstvima bitnim za upravljanje migrantskim talasom, te da je navedena činjenica u određenoj mjeri uticala na kontinuitet realizacije postavljenih strateških okvira i ciljeva Službe.

Međutim, i pored svega naprijed navedenog Služba je zbog kadrovske nepopunjenosti među kojim se posebno ističu odlazak stručnih obučenih i sertifikovanih kadrova Službe, kao i zbog obimnosti i složenosti problema sa kojima se susretala tokom 2021. godine bila prinuđena da u situaciji povećanog pritiska neregularnih migranata vrši pregrupisavanje snaga, pojačavajući žarišna područja, te postupajući u skladu sa temeljnim načelima migracione politike koja svoje polazište ima u Strategiji u oblasti migracija i azila, Zakonu o strancima i Zakonu o azilu i podzakonskim aktima.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA SLUŽBE ZA POSLOVE SA STRANCIMA
Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1 Unapređenje sigurnosnog sektora u BiH sa aspekta odgovornosti i efikasnosti

Specifični cilj I: Efikasan mehanizam upravljanja migracijama u BiH uz poštivanje slobode kretanja

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (2020)	Ciljana vrijednost (2021)	Ostvarena vrijednost na kraju godine (2021)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1 Program: Kontrola kretanja i boravka stranaca, prihvata, smještaj i udaljenje stranaca											
1.1.1 Projekat: Zakonite migracije											
1.1.1.1 Aktivnosti u postupku obrade zahtjeva za ovjeru pozivnog pisma	TC i Sektor za operativnu podršku	Broj ovjerenih pozivnih pisama	2.800	2.950	2.630	Budžet	487.917	439.208	I-IV	I-IV	
1.1.1.2 Aktivnosti u postupku vršenja provjera po zahtjevima dipl. konz. predstavništva (DKP) kod izdavanja viza	Sektor za operativnu podršku i T.C.	Broj izvršenih provjera po zahtjevu DKP	16.000	17.150	20.205	Budžet	437.708	394.011	I-IV	I-IV	
1.1.1.3 Aktivnosti u postupku izdavanja saglasnosti za izdavanje viza tipa "D"	Sektor za operativnu podršku i T.C.	Broj izdatih saglasnosti za izdavanje viza tipa "D"	500	600	654	Budžet	187.560	168.835	I-IV	I-IV	
1.1.1.4 Aktivnosti u postupku obrade zahtjeva za odobrenje/produženje privremenog boravka	TC i Sektor za operativnu podršku	Broj odobrenih i produženih privremenih boravaka	8.050	8.500	9.827	Budžet	1.834.913	1.541.261	I-IV	I-IV	
1.1.1.5 Aktivnosti u postupku obrade zahtjeva za odobrenja stalnog boravka i izmjene rješenja stalnog boravka	TC i Sektor za operativnu podršku	Broj odobrenih stalnih boravaka i izmjena rješenja stalnog boravka	680	690	417	Budžet	335.152	301.693	I-IV	I-IV	

1.1.1.6 Aktivnosti u postupku izdavanja potvrda o prijavi rada	Terenski centri	Broj izdatih potvrda o prijavi rada	2.450	2.520	3.132	Budžet	415.619	374.137	I-IV	I-IV	
1.1.2 Projekat: Prevencija i borba protiv nezakonitih migracija											
1.1.2.1 Prevencija nezakonitih migracija kroz postupak ovjere pozivnih pisama	Terenski centri	Ukupan broj odbijenih pozivnih pisama	50	50	112	Budžet	6.147	5.533	I-IV	I-IV	
1.1.2.2 Prevencija nezakonitih migracija kroz postupak davanja saglasnosti za izdavanje viza tipa "D"	Sektor za operativnu podršku	Ukupan broj izdatih nesaglasnosti za vizu tipa "D"	5	5	3	Budžet	800	720	I-IV	I-IV	
1.1.2.3 Prevencija nezakonitih migracija kroz postupak izdavanja viza za ulazak i boravak na teritoriju BiH	Sektor za operativnu podršku i TC	Utvrđeni pokušaji zloupotrebe u postupcima izdavanja vize	53	53	43	Budžet	1.287	1.158	I-IV	I-IV	
1.1.2.4 Prevencija nezakonitih migracija kroz postupak vršenja sigurnosnih provjera	Sektor za operativnu podršku i TC	Ukupan broj izvršenih sigurnosnih provjera	1.540	1.575	2.518	Budžet	255.499	229.992	I-IV	I-IV	
1.1.2.5 Prevencija nezakonitih migracija kroz postupak regulisanja privremenog boravka	Sektor za operativnu podršku i TC	Broj odbijenih, odbačenih, obustavljenih i prekinutih zahtjeva u postupku odobrenja/produženja boravka	119	119	437	Budžet	19.459	17.516	I-IV	I-IV	
1.1.2.6 Prevencija nezakonitih migracija kroz postupak regulisanja stalnog boravka	Sektor za operativnu podršku i TC	Broj odbijenih stalnih boravaka	10	10	10	Budžet	1.700	1.530	I-IV	I-IV	

1.1.2.7 Aktivnosti u borbi protiv terorizma, trgovine ljudima i drugih oblika organizovanog kriminala kroz službenu saradnju sa drugim agencijama i organima	Sektor za operativnu podršku i TC	Broj prikupljenih operativnih saznanja, informacija, službena saradnja sa drugim agencijama, institucijama i organima (unosi u službene evidencije itd)	13.000	13.200	25.035	Budžet	1.394.060	1.176.406	I-IV	I-IV
1.1.2.8 Aktivnosti u postupku izricanja mjere stranim državljanima	Sektor za operativnu podršku i TC	Broj izrečenih mjera otkaza boravka (bevizni, privremeni, stalni boravak, protjerivanje, otkaz boravka sa protjerivanjem)	1.015	1.050	1.860	Budžet	243.600	219.281	I-IV	I-IV
1.1.2.9 Aktivnosti u postupku izdavanja naloga za dobrovoljno napuštanje teritorije BiH	Sektor za operativnu podršku i TC	Broj izdatih naloga za dobrovoljno napuštanje teritorije BiH	175	182	450	Budžet	243.600	219.281	I-IV	I-IV
1.1.2.10 Aktivnosti u postupku izricanja prekršajnog naloga	Terenski centri	Broj izrečenih prekršajnih naloga	840	875	1.971	Budžet	101.499	91.366	I-IV	I-IV
1.1.2.11. Aktivnosti u postupku izdavanja potvrda za iskazivanje namjere za podnošenje zahtjeva za azil	Terenski centri	Ukupan broj izdatih potvrda za iskazivanje namjera za podnošenje zahtjeva za azil	10.500	10.850	14.688	Budžet	517.333	465.687	I-IV	I-IV

1.1.3 Projekat: Prihvat, smještaj i udaljenje stranaca											
1.1.3.1 Aktivnosti u postupku stavljanja stranca pod nadzor	Sektor za readmisiju, prihvat i smještaj, I.C. i T.C.	Broj osoba smještenih pod nadzor u Imigracioni centar	1.150	1.150	612	Budžet	728.174	655.480	I-IV	I-IV	
	Sektor za readmisiju, prihvat i smještaj, I.C. i T.C.	Ukupan broj korisničkih dana u Imigracionom centru	22.000	22.000	22.173	Budžet	1.821.977	1.543.329	I-IV	I-IV	
	Sektor za readmisiju, prihvat i smještaj i T.C	Broj lica koja su boravila u specijalizovanim ustanovama /Specijalizovana ustanova za prihvat – MFS “Emmaus”, Sigurna kuca “Medica” itd/	100	150	265	Budžet	7.200	6.481	I-IV	I-IV	
1.1.3.2 Aktivnosti u postupku prihvata stranih državljana	Sektor za readmisiju, prihvat i smještaj i T.C.	Broj prihvaćenih stranih državljana po osnovu sporazuma o readmisiji	1.500	1.900	570	Budžet	74.011	66.622	I-IV	I-IV	
	Sektor za readmisiju, prihvat i smještaj i T.C	Broj stranih državljana prihvaćenih iz KPZ-a	20	20	0	Budžet	2.100	-	I-IV	I-IV	
1.1.3.3 Aktivnosti udaljenja stranih državljana	Sektor za readmisiju, prihvat i smještaj i T.C	Broj stranih državljana koji su predati po osnovu Sporazuma o readmisiji	1.200	1.450	89	Budžet	158.618	144.663	I-IV	I-IV	

	Sektor za readmisiju, prihvata i smještaj i T.C	Broj stranih državljana za koje je Služba vršila dobrovoljni povratak /Samostalni dobrovoljni povratak koji realizuje Služba/	980	1.350	665	Budžet	83.485	75.150	I-IV	I-IV
	Sektor za readmisiju, prihvata i smještaj i T.C	Broj stranih državljana za koje je Služba izvršila repatrijaciju	10	15	4	Budžet	600	540	I-IV	I-IV
	Sektor za readmisiju, prihvata i smještaj i T.C	Broj stranih državljana koji su samostalno dobrovoljno napustili teritoriju BiH	2.500	3.000	1.212	Budžet	349.192	314.332	I-IV	I-IV
	Sektor za readmisiju, prihvata i smještaj i T.C	Broj prisilno udaljenih stranih državljana sa teritorije BiH	15	30	1	Budžet	14.400	12.962	I-IV	I-IV

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Naziv zakona	Vrijeme provođenja		Status zakona zaključno sa 31.12.2021 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaja i udaljenja stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaja i udaljenja stranaca							
Nije bilo planiranih	NE	NE	NE	NE	NE	NE	

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Naziv podzakonskog akta	Vrijeme provođenja		Status podzakonskog akta zaključno sa 31.12.2021 godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaja i udaljenja stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaja i udaljenja stranaca							
Nije bilo planiranih	NE	NE	NE	NE	NE	NE	

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2021 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaj i udaljenje stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaj i udaljenje stranaca							
Nije bilo planiranih	NE	NE	NE	NE	NE	NE	

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Specifični cilj: Efikasan mehanizam upravljanja migracijama u BiH uz poštivanje slobode kretanja

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Program: Kontrola kretanja i boravka stranaca, prihvata, smještaj i udaljenje stranaca				
1.1.1 Projekat: Zakonite migracije				
1.1.2 Projekat: Prevencija i borba protiv nezakonitih migracija				
1.1.3 Projekat: Prihvata, smještaj i udaljenje stranaca				
Nije bilo planiranih	NE	NE	NE	NE

VII- IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Tokom izrade Izvještaja o radu Službe za poslove sa strancima za 2021. godinu, vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH, Graničnom policijom BiH, Državnom agencijom za istrage i zaštitu, Agencijom za forenzička ispitivanja i vještačenja BiH, Agencijom za policijsku podršku BiH, Agencijom za školovanje i stručno usavršavanje kadrova i Ministarstvom finansija i trezora BiH. Konsultacije su se odnosile na formalni izgled Izvještaja, izbjegavanje preklapanja nadležnosti i usklađenost sa budžetskim okvirom. Izvještaj o radu Službe za poslove sa strancima bio je dostupan u periodu od 13.01.2021. godine do 28.01.2022. godine na web platformi eKonsultacije, a Izvještaj o provedenim konsultacijama nalazi se u prilogu.

DIREKTOR

Slobodan Ujić

